



**Abhe stant Abraham den ersten streit mit der handenschaft vnd geligt in an**

Auf die vemde vñ macht  
 Do lag daz handeische her  
 Vor müde gar ane wei  
 Man sy nieman vorhten  
 Do gachte auf di verworhten  
 Abraham vnd slüg in churze zu  
 Der hayden also vil  
 Vnd so vil vnd dannoch mere  
 Daz si der vorhte lere  
 An wer gar synder danch  
 Sigloz zeflücht twanch  
 Von der vorhtleichen not  
 Chadolachannor lag tot  
 Vnd sein genozzen di chynig drey  
 Die mit irem her vñ lagen pei  
 Vnd all di da lagen da  
 Do floch daz her vñcz an holda  
 Darinne der vñuerzagte  
 Nach mit den seinen lagte  
 Vnd lie chainen da genesen  
 Die haiden müsten alle wesen  
 Verderbt sa vnd lagen tot  
 Von seiner vñch nüsse wart loth  
 Erlöste der werde man  
 Abraham sein veter furt vñ dan

ant leibe vnd mit gute  
 Abraham vñ gote der furte  
 Vñmerhaft weib vnd man  
 Von der vñch nüze furte dan  
 Vnd swaz da raibes was genomen  
 Daz müste alles wider chomen  
 Daz löst Abraham vnd nam ez da  
 Vnd furt ez wider ze lande da

**U**n Sodoma der chynich her  
 Der säumpte sich da nicht mer  
 Do er horte di mere  
 Wie der vñwandelbare  
 Abraham mit gotes chraft  
 Er slüg di frechen haydenschaft  
 Ab ich ew sagte e  
 Vnd empfing in minnechleiche  
 Der edel chynig reiche  
 Melchysedech von salem  
 Daz nu ist Terusalem  
 Der was von angeporner art  
 Ein gotes erwelte Er wart  
 Vnd ein chynich reiche  
 Vñs sagt gewerleiche  
 Diw geschrift ez were nach sem  
 Noes sin vnd in salem